



**Assertiones Philosophicæ Fusius Deductæ Philosophiæ  
Peripateticæ communioris Epitomen exhibentes**

**Leuren, Peter**

**Coloniae Agrippinae, 1681**

xxxiv [i.e. vi]. Species est quid essentialiter completum, intentionaliter  
indivisum, physicè divisum in plura individua non notabiliter differentia,  
deq[ue] ijs prædicabile.

---

[urn:nbn:de:hbz:466:1-71607](https://nbn-resolving.de/urn:nbn:de:hbz:466:1-71607)

ad quintum, si sumatur logicè, hæc enim prædicatio; *Petrus est individuum*: non minus est quinti, prædicabilis, quām hæc: *homo est species*.

VI. SPECIES spectata absolute est quid extrinsecè unum inexistens multis per modū naturæ completæ, vel est natura essentialiter completa, intentionaliter individualis, physicè divisa in plura individua non notabiliter differentia; quæ definitio convenit etiam speciei subalternæ v. g. *animali*, ut concipiatur conceptu naturæ completæ, sive ut quid constans genere & differentia, nimirum vivente & sensitivo. Spectata ut prædicabilis, est unum aptum tantum prædicari de pluribus solo numero differentibus in quid completere. Qualis tamen non est prædicatio; *Petrus est animal rationale*; non prædicatur enim in quid completere incompletere, sed hæc potius est in quid & quale. Dum autem rationale prædicatur de hoc, illo & isto rationali, prædicatur completae ut species, ad quod sufficit, ut species exprimat totam essentiam logicam seu prædicabilem de multis, etsi non exprimendo differentiam individualem, non exprimat

mat totam essentiam physicam. Spectata ut subjicitur generi, est natura intrinsecè multiplex, extrinsecè una, quæ subjicitur generi, & de qua genus in quid prædicatur: quâ talis non est universale, quia in tantum non est respiciens multa inferiora, de quibus prædicetur. Neque inferius ut inferius participat rationem superioris sui; nam ut inferius supponit rationem sui superioris participatam, ideoqùe est inferius; adeoqùe non ideo participat rationem sui superioris, quia est inferius, sed ideo est inferius, quia hanc participat: sic itaqùe sufficit, ut species, quæ est inferior genere, sive quæ est subjicibilis participet rationem superioris, nimirum universalis. Dividitur species in prædicabilem tantum, quæ nulli subjicitur generi, sed tantum de individuis prædicatur, talis sunt, differentiæ & propria: v.g. *rationale, risibile* respectu hujus & istius risibilis & rationalis. In prædicabilem & subjicibilem simul, quæ tam respectu superiorum, quam inferiorum est species, ut *homo* aliæqùe species infinitæ seu atomæ; & in subjicibilem tantum quæ respectu superiorum est species, respectu inferiorum genus, ut *animal*.